

Thò Gòi Ca Mangai Hêbru Bàu Patô Adroi

Hiniq wa Bàu Xèm Da Sech:

Ta 'nhòng hanam 33 Atìq C. trùh hanam 100 Atìq C., Tagop Hadròih khoi 'bìq padit padiang bàc dìq jaq. Phàn bàc mangai đóc sech Hêbru cô, aih mangai Yothaiq. Taiq wì haq khoi 'bìq padit padiang, wì loq enh tawìh tiaq ranenh Yothaiq calah nêh. Mangai achìh sech Hêbru parông hnài wì haq apaq broq 'màng aih, mahaq rùp cajap tiaq Chuaq Jêxu, Haq Chuaq dèch claih.

Mangai Achìh wa Hanam Achìh:

Bèn ùh 'nì cabô achìh sech cô, mahaq i mangai hnài hèm Luca achìh, loq 'Ba-na-ba, loq A-pô-lô achìh. Sech cô khoi jah achìh adroi phòq Jê-ru-sa-lem 'bìq raliang hanam 70 Atìq C.

Bàu Anoi:

Bàu anoi hnài cô patô Chuaq Jêxu Crich Haq wèq cwiàng yi ha'nhèq dìq dǒng. Haq Mangai Ta'ne Boc Plình wa con mangai. Haq raq khoi wìa biac mahno gêh tòm da Boc Plình am ca jàn crǒng taneh. Chù: yi lem wa yi càn khoi jah achìh 15 yàng ta thò.

Rìm 'Nat:

1. Biac Mahno Da Crich Yi Ha'nhèq Dìq Dǒng: 1:1–4
2. Chuaq Jêxu Crich Yi Ha'nhèq 'Bình Plình: 1:5–2:18
3. Chuaq Jêxu Crich Yi Ha'nhèq ca Môise: 3:1–4:13
4. Chuaq Jêxu Crich Yi Ha'nhèq Dìq ca Pajàu Arôn: 4:14—7:28

5. Ngè Tadreo Da Chuaq Jêxu Yi Ha'nhèq Dìq dǒng: 8:1—10:39
6. Bàu Xìn Mangai Xôq Rùp Cajap Manoh Lùi: 11:1—12:29
7. Bàu Pulùch: 13:1–25

Chuaq Jêxu Crich Con Hatia da Boc Plình

¹ Boc Plình khoi yǒc 'bài mangai capoch thai Haq calah nèh òđiǒq doi ca boc yaq bèn bàc yàng, bàc trong, ² mahaq ta 'bài hì atiq lùch cô, Boc Plình yǒc dèh Con òđiǒq doi hnài ca bèn, aih Con Haq khoi pajaq broq wìa Con Hatia òđiǒq wèq cwiàng òđiǒq dǒng rìm biác wa nhò Con aih Haq khoi broq loh plình crǒng taneh. ³ Con cô can 'ngah Boc Plình wa dua 'mù da Haq, wèq òđiǒq dǒng rìm hiniq nhò bàu da cwiàng itai, wa jò Haq khoi 'nheo tôiq lôi bèn, Haq ha'ngui ta gèq bùa pah 'ma Boc Plình ma enh 'nhèq òđiǒq dǒng, ⁴ Haq khoi wìa yi ha'nhèq ca 'bình plình dàng leq, èh Haq i tiàng 'bang padèch ha'nhèq yi hnao ca tiàng 'bang 'bình plình dàng aih.

⁵ Ma jah 'màng aih Boc Plình ma lah doi ca mòiq 'bình plình leq:

“Ìh Con Au.

Hì cô Au khoi xa-ông ca ìh”[☆]?

Hadai ùh lah doi:

“Au broq Baq Haq,

Haq broq Con Au.”[☆]?

⁶ Mahaq jò Haq 'ràng dèh Con Mòiq Haq mùt ta crǒng taneh, Haq doi:

“Thê òđiǒq ca 'bình plình da Boc Plình phai cùh waiq Con.”[☆]

⁷ Anoi trùh 'bình plình Haq i doi:

“Boc Plình broq 'bình plình tìah

☆ 1:5 1:5 BCP 2:7. ☆ 1:5 1:5 2Sam 7:14; 1NB 17:13. ☆ 1:6 1:6 RAH 32:43.

ca cayeo broq hapõng tìah ca pla ùnh.”☆

8 Mahaq anoi trùh Con, Haq doi:

“Ôi Boc Plình, gèq bùa da ìh òi hloi hloi;

Long wèq cwàng da bùa,

aih long wèq cwàng ta-atoq jah wèq cwàng da
Taneh Diac ìh.

9 ìh loq waq bìac ta-atoq, git ca bìac dù;

'Màng aih Boc Plình, Haq Boc Plình da ìh,

khôi xùt dầu lem bùi ca ìh, Yi hnao ca 'bài mangai
bua da ìh.”☆

10 Boc Plình hadai doi:

“Ôi Chuaq, baxèm adroi đõng òi ìh khôi broq tanam xèm
da cõng taneh;

Plình hadai khôi loh enh capiang tì ìh.

11 Plình cõng taneh jah raliang đac, mahaq cla ìh jah i
hloi hloi.

Plình cõng taneh èh loh ca cùn tìah ca eo dùnh.

12 ìh canua đac plình wa cõng taneh tìah ca eo yõh.

Khôi èh plình cõng taneh jah halìh òn ma neo,

Mahaq ìh xôq hloi hloi;

'Bài hanam da ìh ùh jò leq lùch.”☆

13 Boc Plình ùh lah doi ca 'bình plình:

“Ha'ngui ti pah 'ma Au beq,

Gòm Au rùp mangai ma tagit

ca ìh òi òi broq long thòt enh 'neq ca jènh ìh.”☆

14 Ma jah 'màng aih òi òi ca 'bình plình, wì haq 'bài yiang
broq hapõng da Boc Plình. Aih ùh xài Boc Plình khôi thê
wì loh lam òi òi patìh 'bài mangai ma jah nhàn yõc bìac
dèch claih 'mòh?

☆ 1:7 1:7 BCP 104:4. ☆ 1:9 1:9 BCP 45:6,7. ☆ 1:12 1:12 BCP 102:25-27.

☆ 1:13 1:13 BCP 110:1.

2

Wêq Cajap Bìac Khoi Tàng

¹ 'Màng aih, bèn ep wêq cajap tam bìac bèn ma khoi tàng, èh òiòiq ùh hìaq lam lac ca bàu joq 'nàng. ² Ma jah 'màng aih, tàng rìm bàu 'bình plình ma khoi capoch aih bàu joq 'nàng, èh òiòiq ca òiòiq lôl wa òiòiq ca bìac ùh òiòiq tìaq aih 'bìq baxa, ³ èh broq 'màng leq bèn ma claih ca bìac baxa tàng bèn ngan bìac dèch claih ma càn cô ùh loh cleq? Bìac dèch claih aih ma baxèm Chuaq doi ca wì ma tàng Haq, khoi èh wì anoi hlài ca bèn, ⁴ Boc Plình hadai khoi broq cajap bàu cô xam bàc teo halac, bàc bìac halac wa bàc trong halac ma 'noiòiq, wa bìac hnhu am enh Yiang Hadròih òiòiq axong ca rìm ngai tìaq manoh Haq enh.

⁵ 'Màng aih, crõng taneh bèn ma ðang anoi trùh, Boc Plình ùh òiòiq 'bình plình wêq cwàng. ⁶ Mahaq i mòiq brong ta Sech Hadròih khoi achìh:

“Con mangai cacleq Chuaq ma hmàng trùh?

Con da mangai cabô Chuaq ma lo ca haq?

⁷ Chuaq khoi òiòiq haq yi ha'neq ca 'bình plình toq 'biaq, Am ca haq cô cadoh bùa 'ngah 'ngai ðang ca padèch.

⁸ Chuaq khoi òiòiq rìm bìac enh 'neq ca jènhaq.”☆

Jò Haq khoi broq ca rìm bìac enh 'neq ca con mangai, 'màng aih, èh ùh i bìac cleq ùh enh 'neq ca haq. Mahaq manàiq cô bèn 'nhòq hnoq rìm bìac enh 'neq ca con mangai. ⁹ Mahaq bèn hnoq Chuaq Jêxu ma khoi enh 'neq ca 'bình plình toq 'biaq, taiq Haq khoi chiuq nan xa trùh cachit jah cô cadoh 'ngah 'ngai, èh nhò bìac am dech da Boc Plình, Haq chiuq cachit thai rìm ngai.

¹⁰ Nhò Boc Plình i rìm hiniq ma khoi broq loh am ca Haq, wa jò Haq enh 'ràng bàc con caiq trùh ta nòl 'ngah 'ngai, aih bìac òiòiq jaq hatroq, èh Haq am Chuaq Jêxu Crich

☆ 2:8 2:8 BCP 8:4-6.

ma broq xèm biac dèch dõih jah wìa lem rìm trong nhò chiùq nan xa ðòiq jah dèch claih bàc ngai. ¹¹ Ma jah 'màng aih Yiang Hadròih ma broq ca mangai jah hadròih, wa 'bài mangai jah wìa hadròih pajùm mòiq toq Baq, 'màng aih Chuaq Jêxu ùh camaih creò ca wì aih oh daq. ¹² Haq doi: “Au jah doi anoi hiniq Baq ca oh daq Au.

Ta'ne mangai tagop Au jah calêu manè hiniq Baq.”✠

¹³ Haq doi hòm:

“Au jah lùì canòm ca Haq,”✠

Doi hòm:

“Au òi ta cô pajùm con caiq Boc Plình ma khoi hnhu am ca Au.”✠

¹⁴ 'Màng aih èh, con caiq Boc Plình i chac wa mahem, ma jah Chuaq Jêxu Crich hadai yõc chac wa mahem 'màng aih, Haq chiùq cachìt ðòiq jah raliang ðac kiac ma wèq cwàng can cachìt, aih can kiac Satan, ¹⁵ èh dèch dõih rìm ngai, taiq enh adroi nèh wì hloi hloi ep broq hapõng ðich ca biac yùq crè can cachìt. ¹⁶ Bèn loq, Chuaq Jêxu ùh xài jùp ðò 'bình plình, mahaq jùp ðò ca xinoi Ap-ra-ham. ¹⁷ Taiq 'màng aih Haq phai chiùq broq tìah ca oh daq ta rìm biac, waq ca enh ngìa Boc Plình, Haq jah broq Pajàu Ha'nhèq loq xa-õch, jah wèq dèh bàu ta biac patìh ca Boc Plình, cachìt thai ca bèn ðòiq ca'naih dòih tôiq lô. ¹⁸ Ma jah 'màng aih cla Haq khoi chiùq nan xa jò 'bìq padô 'nùt, 'màng aih Haq jah jùp ðò mangai ma 'nang 'bìq padô 'nùt.

3

Chuaq Jêxu Ha'nhèq Yi Hnao ca Môise

¹ 'Màng aih ôi oh daq hadròih, mangai ma i phàn ta biac creò da Boc Plình, pì phai hèm haboq ngan Chuaq Jêxu Crich, Haq Mangai sùq ðò wa Pajàu Ha'nhèq da bèn ma

✠ 2:12 2:12 BCP 22:22. ✠ 2:13 2:13 Êsai 8:17. ✠ 2:13 2:13 Êsai 8:18.

bèn lùì canòm. ² Haq khoi wèq dèh bàu broq tiaq biac Boc Plình khoi pajaq ca Haq, tìah ca Môise khoi wèq dèh bàu broq tiaq rìm trong òi ta hnem Boc Plình. ³ Ma jah 'màng aih Chuaq Jêxu khoi jah padèch ha'nhèq yi hnao ca Môise, tìah ca wì ma padèch mangai ma broq hnem, yi hnao ca padèch hnem. ⁴ Ma jah 'màng aih, ùh i ca hnem leq ma wìa dèh tàng mangai ùh broq, mahaq Haq ma khoi broq loh rìm biac, aih Boc Plình. ⁵ “Môise mangai khoi wèq bàu broq rìm biac ta hnem Boc Plình,”[☆] tìah ca mangai patìh òi pa'noh biac mahno ta dang ngìa èh; ⁶ Mahaq Chuaq Jêxu Crich wèq dèh bàu tìah ca Con Calô wèq cwiang hnem Boc Plình. Hnem Boc Plình, aih bèn, tàng bèn wèq cajap dèh manoh lùì canòm wa bùi manoh ta biac ngèh gòm trùh lùch.

- ⁷ 'Màng aih, tìah ca Yiang Hadròih doi:
 “Hì cô tàng pì tàng bàu Haq,
⁸ èh apaq cadoq manoh tìah
 ca boc yaq pì calah nèh khoi leoq Boc Plình
 ta hì baxa thù ta òng braih càn,
⁹ aih nòi boc yaq pì khoi hnoq biac Au broq trom 40
 hanam,
 Mahaq xôq òi thù Au òi q 'nhro manoh Au.
¹⁰ Taiq 'màng aih, Au nòih ca 'bài mangai 'nhòng aih,
 Au doi: ‘Manoh wì hloi hloi hèm lac trong,
 ùh 'nì ca trong da Au.’
¹¹ Cô bàu pachac jò nòih Au doi:
 ‘Wì haq ùh jah mùt nòi padài da Au.’”[☆]
¹² Ôi oh daq, phai ngan kenh, òi q ùh i mòi q ngai leq
 ta pì i manoh ngang dù, ùh lùì, èh cađac Boc Plình, Haq
 ma rìh hloi hloi. ¹³ Mahaq rìm hì pì ep pariaq dabau jò òi
 doi “Hì cô” waq ca òi ta pì ùh i ca mangai leq 'bìq tôiq lòi

☆ 3:5 3:5 SJ 12:7. ☆ 3:11 3:11 BCP 95:7–11.

padô 'nùt, èh cadoq manoh. ¹⁴ Ma jah 'màng aih bèn khoi jah pajùm phàn ti Chuaq Jêxu Crich, tàng bèn wèq cajap dèh manoh lùì baxèm da bèn trùh lùch. ¹⁵ Tìah ca Sech Hadròih khoi achìh:

“Hì cô tàng pì tàng bàu Haq,
Èh apaq cadoq manoh tìah
ca boc yaq pì khoi leoq Boc Plình ta òng braih
càn.”[☆]

¹⁶ Cabô ta wì ma khoi tàng bàu Boc Plình khoi èh xôq òi leoq Haq? Aih ma ùh xài òi òng mangai khoi nhò Môise ajèn loh enh Aicàp 'mòh? ¹⁷ Boc Plình khoi nòih ca cabô trom 40 hanam? Ma ùh xài nòih ca 'bài mangai ma broq tôiq nòi braih càn, hi khoi wì haq khoi cachit hloi ta aih 'mòh? ¹⁸ Haq pachac ca cabô, doi: Wì ùh jah mùt nòi padài da Au, aih ma ùh xài ca 'bài mangai ma ùh òi tiaq 'mòh? ¹⁹ Màng aih bèn hnoq dài wì haq ma ùh jah mùt ta aih, taiq manoh wì haq ùh lùì.

4

Bàu Hùaq Nòi Padài da Chuaq

¹ 'Màng aih, 'nang jò òi i bàu hùaq òi mùt ta nòi padài da Chuaq, ep loq yùq crè, waq ca ta oh daq ùh i ca mòiq ngai leq ùh jah mùt. ² Ma jah 'màng aih bèn hadai khoi tàng Bàu Lem tìah ca wì khoi tàng hì adroi nèh, mahaq bàu anoi wì ma khoi tàng ùh i lòiq cleq ca wì haq taiq jò wì haq tàng, wì haq ùh tamàng xam manoh lùì. ³ Phàn da bèn mangai khoi lùì, èh jah mùt nòi padài, mahaq ca wì ma ùh lùì, Boc Plình khoi doi:

“Cô bàu Au pachac jò Au nòih:

‘Wì haq ùh jah mùt nòi padài da Au.’[☆]

'Nhac bìac aih Haq khoi broq gèh enh jò baxèm broq plình cròng taneh. ⁴ Ta Sech Hadròih i nòi khoi achìh ca bìac hì

[☆] 3:15 3:15 BCP 95:7,8. [☆] 4:3 4:3 BCP 95:11.

tapèh 'màng cô: “Hì tapèh Boc Plình padài dìq rìm biac Haq broq.”[✠] ⁵ Haq hadai doi: “Wì haq ùh jah mùt nòi padài da Au.”

⁶ 'Màng aih xôq òi i mòiq 'nah ngai jah mùt ta aih, mahaq 'bài mangai ma adroi cô nèh khai jah tàng Bàu Lem aih, mahaq ùh jah mùt, ma jah 'màng aih taiq wì haq ùh dì tiaq bàu. ⁷ 'Màng aih Boc Plình pajaq mòiq hì ma 'noi q jah doi: “Hì cô,” ma jah 'màng aih dùnh atìq ca aih, Haq anoi hnài cwa bùa Đawit tiah ca bàu khai doi adroi: “Hì cô, tàng pì tàng bàu Haq,

èh Apa q cadoq manoh.”[✠]

⁸ Tàng Jôsuê khai am wì haq mùt nòi padài, èh atìq ca aih Boc Plình pi i anoi trùh mòiq hì ma 'noi q hò m. ⁹ 'Màng aih èh, xôq òi i mòiq nòi padài ca jàn Boc Plình. ¹⁰ Ma jah 'màng aih tàng mangai leq mùt ta nòi padài da Boc Plình, èh mangai aih khai padài ca biac broq dađeh, hadai tiah ca Boc Plình khai padài dèh ca biac broq da Haq. ¹¹ 'Màng aih bèn phai dìq ca padren ran ðòiq jah mùt ta nòi padài aih, waq ca ùh hìaq i mòiq ngai leq ta bèn tacro taiq tiaq dua wì calah nèh ùh dì tiaq.

Cwìang Itai Da Bàu Boc Plình

¹² Ma jah 'màng aih bàu Boc Plình, aih bàu rìh, i cwìang itai yi hin tiah ca pla chang gùm baiq mà m, jah mùt ta rìm nòi jrùq, hin trùh 'mòi lah manoh wa mahua yiang, atap caxènh wa ngot caxènh, hnoq ro biac bèn ma hèm wa biac manoh bèn ma enh broq. ¹³ Ùh i ca biac cleq jah cadoc hlèp enh ngìa ca Boc Plình, mahaq dìq đống jah pa'noh ro enh ngìa ca Haq, bèn ma ep anoi hlài rìm biac khai broq.

¹⁴ Taiq bèn i mòiq Pajàu Ha'nhèq càn ma khai mùt hlài Diac Plình, aih Chuaq Jêxu, Con Boc Plình, bèn phai wèq ma cajap manoh lù i. ¹⁵ Ma jah 'màng aih bèn pi i Pajàu

✠ 4:4 4:4 BB 2:2. ✠ 4:7 4:7 BCP 95:7,8.

Ha'nhèq ma ùh jah loq xa-öch ca biac ìuq bèn, taiq Haq hadai khoi lah chiùq rìm biac padô 'nùt tìah ca bèn, mahaq ùh i ca jò leq Haq broq tôiq. ¹⁶ 'Màng aih bèn phai cajap manoh trùh haten ca gèq Bùa da biac am dech ðoìq jah nhàn can xa-öch, wa chaq jah biac am dech ðoìq jùp ðò bèn, jò bèn ma nhet ca Haq jùp ðò.

5

Pajàu Ha'nhèq Lem Rìm Trong

¹ Rìm ngai pajàu ha'nhèq khoi jah Boc Plình raih enh con mangai, jah dèch atöc thai ca con mangai patìh biac Boc Plình, ðoìq dèch am ngè tadreo baxöng dòih ðìq ca tôiq lô. ² Haq hadai mangai tìah ca bèn, xôq i biac ìuq, ma jah haq xa-öch ca 'bài mangai ma ùh 'nì loq wa mangai lac trong. ³ Taiq 'màng aih, haq dèch am ngè tadreo ca Boc Plình ðoìq baxöng dòih tôiq lô, ùh xài toq ca jàn, mahaq ca cla haq hadai. ⁴ 'Màng aih, ùh i ca mòiq ngai leq jah raih wa atöc ca dađeh broq biac ha'nhèq aih, mahaq toq nhàn yöc biac aih jò Boc Plình creò, tìah ca Arôn calah nèh.

⁵ Hadai 'màng aih, Chuaq Jêxu Crich ùh padèch dađeh broq Pajàu Ha'nhèq, mahaq Boc Plình khoi raih Haq wa doi ca Haq.

“Ìh cô Con Au,

hì cô Au khoi xa-ông ca ìh.”☆

⁶ Èh Haq doi hòm ði nòi ma 'noiq:

“Ìh broq Pajàu hloi hloi

tiaq Mên-chi-xê-đec.”☆

⁷ Jò ði raq rìh ta cröng taneh, Chuaq Jêxu Crich khoi dèh bàu waiq khàn loh diac mat dang xìn Haq ma i cwiang dèch Haq claih ca biac cachit, Boc Plình tàng bàu Haq taiq Haq ðìq ca manoh loq iu Boc Plình. ⁸ 'Nhac ca Haq Con Boc

☆ 5:5 5:5 BCP 2:7. ☆ 5:6 5:6 BCP 110:4.

Plinh, Haq khoi hóc ði tiaq nhò biac xalep Haq ma khoi chiuq. ⁹ Jò Haq khoi broq gêh rìm trong, Haq broq xèm da biac dèch claih am ðiq ca mangai ma loq ði tiaq Haq. ¹⁰ Khoi èh Haq jah Boc Plinh padèch broq Pajàu Ha'nhèq, tiaq Mên-chi-xê-đec.

¹¹ Anoi trùh biac aih, au i bàc biac nhet ca anoi, mahaq xa ca anoi ðòiq haq ro 'ràng, ma jah 'màng aih pì adia ca loq tàng. ¹² 'Nhac ca pì khòh broq thài hnài khoi dùnh, mahaq manàiq pì xôq òi ep ca mangai 'noi q yóc biac hóc jò baxèm da Boc Plinh ðòiq hnài pì, èh pì xôq ôq tôh thai ca dahwèq caq cadoq. ¹³ 'Màng aih, tàng mangai leq hloi hloi ôq tôh, aih patô haq òi tiaq ca con 'yoh, 'nhòq canao loq ca bàu ta-atoq. ¹⁴ Mahaq dahwèq caq cadoq ðòiq ca mangai khoi jah yòng càn, ca mangai khoi yóc dèh manoh axràm ðòiq jah 'nì loq biac lem wa biac dù.

6

Biac Cađac Trong Tiaq Chuaq

¹ 'Màng aih, bèn apaq hóc yôt bàu hnài da Chuaq Jêxu Crich ma khoi hóc jò baxèm, mahaq phai yòng càn gêh lem ta Chuaq Jêxu Crich, aih ùh nhet ca hóc hlài 'bài hóc xèm biac cađac dèh manoh broq tôiq ðòiq claih khoi ca biac broq ma cachit wa biac lùì Boc Plinh hòm, ² wa ùh òi hóc biac 'baptem, biac ðòiq tì ti chac, biac mangai cachit rìh hlài, biac hadrah hloi hloi. ³ Mahaq manàiq cô tàng Boc Plinh am broq, èh bèn hóc tam biac waq ca jah wìa craq manoh.

⁴ Ma jah 'màng aih, 'bài mangai ma khoi jah i can 'ngah da Boc Plinh xreo ta manoh, khoi jah nhàn yóc biac am dech hnhu am enh Boc Plinh, khoi jah nhàn Yiang Hadròih, ⁵ khoi canao loq ca Bàu Lem lình da Boc Plinh, wa cwìang itai da Haq 'nhòng atiq, ⁶ tàng wì haq cađac Chuaq, èh wì haq ùh jah tawìh hlài cađac dèh manoh broq tôiq;

wì haq khoi tiang đình Con Boc Plình mòiq yàng hòmh, wa broq ca Haq chiùq camaih enh ngìa ca con mangai.

⁷ Bèn con mangai tiah ca taneh nòi i plình mè, èh loh nhat loh long broq lòiq ca mangai abèq, èh taneh aih jah Boc Plình am xôq ramốt. ⁸ Mahaq, tàng taneh leq loh hila bàc, taneh aih 'bìq 'noh đac, jah waiq hanip, khoi èh bũh cađac ngè aih ta ùnh.

⁹ Ôi oh daq ma au loq waq, 'nhac ca au anoi 'màng cô, nhèn loq joq 'nàng biac da pì aih yi lem, wa i acop tiaq biac dèch claih. ¹⁰ Boc Plình ùh xài ùh ta-atoq, Haq ùh hèt ca biac broq wa manoh loq waq da pì khoi pa'noh ca hiniq Haq, jò pì patìh 'bài mangai hadròih, manàiq xôq òi patìh, ¹¹ èh nhèn enh rìm ngai òi ta pì pa'noh loh manoh dèh nhang 'màng aih đòiq jah wèq cajap manoh gòm canòm trũh lũch, ¹² đòiq pì ùh aroh, mahaq tiaq dua 'bài mangai ma khoi jah nhàn yốc bàu hùaq da Chuaq nhò manoh lũi wa manoh chiùq àt.

Bàu Hùaq Da Boc Plình

¹³ Jò Boc Plình hùaq ca Ap-ra-ham, ùh i ca cabô ma yi càn đòiq patô, 'màng aih Haq patô dađeh đòiq pachac ca Ap-ra-ham, ¹⁴ Haq doi: “Au joq 'nàng jah am xôq ramốt ca ìh wa broq ca xinoi ìh xa-ông tam bàc.”[☆] ¹⁵ Ap-ra-ham khoi dràng àt gòm, 'màng aih haq nhàn yốc biac Chuaq khoi rùp bàu am ca haq.

¹⁶ Con mangai loq patô hiniq ma yi càn ca dađeh đòiq pachac, nhò bàu pachac 'màng aih èh ùh i biac loq tarahen hòmh. ¹⁷ Boc Plình hadai 'màng aih, enh patô 'noh ca 'bài mangai ma jah hùang bàu hùaq da Haq loq ca manoh Haq ma khoi pachi ùh i jò leq blòq, èh Haq yốc bàu pachac đòiq patô. ¹⁸ 'Màng aih nhò baiq biac ùh blòq aih, taiq Boc Plình ùh capoch 'nùt, nhò enh aih bèn chaq jah biac alòng càn

[☆] 6:14 6:14 BB 22:17.

caiq, bèn mangai cadàu mùt nòi hlèp òiđiq rùp yóc biac ngèh gòm khoi òiđiq enh ngĩa ca bèn. ¹⁹ Bèn wèq biac ngèh gòm cô tiáh ca mem glêh ca mahua yiang, cajap cajinh mùt enh rù ca bai prinh ta Nòi Hadròih Òiđiq Jaq ta Diac Plinh. ²⁰ Aih nòi hadròih nòi Chuaq Jêxu khoi mùt adroi ca bèn, pèh trong ca bèn jah mùt jò Haq khoi broq Pajàu Ha'nhèq hloi hloi tiaq Mên-chi-xê-đec.

7

Mên-chi-xê-đec Bùa Da Ta-atoq

¹ Mên-chi-xê-đec[☆] bùa da Salem, pajàu ha'nhèq da Boc Plinh ma enh 'nhèq đống, khoi lam ðih Ap-ra-ham, èh waiq xôq ramõt am ca Ap-ra-ham, jò Ap-ra-ham 'nang hlài enh tajêh ta'blêq ca bàc bùa. ² Ap-ra-ham khoi am ca bùa aih mòiđiq phàn mòiđiq jàt dahwèq ngè haq ma jah yóc jò tajêh. Bùa Mên-chi-xê-đec, aih i hiniđiq ta-atoq, haq bùa da Salem, aih i hiniđiq bùa catèm. ³ Haq ùh i ca miđiq, ùh i ca baq, ùh i ca hadròng hadrech, ùh i ca hì xa-ông, hadai ùh i ca hì cachit, tiáh ca Con Boc Plinh, Mên-chi-xê-đec broq pajàu hloi hloi.

⁴ Bèn phai hèm, bùa aih i 'bang ha'nhèq ðiđiq jaq taiđiq boc bèn Ap-ra-ham khoi am ca haq mòiđiq phàn mòiđiq jàt cùng hang haq. ⁵ 'Bài con xau da xinoi Lêwi ma broq pajàu Boc Plinh, tiaq Ranenh wì haq i bàu thê gop mòiđiq phàn mòiđiq jàt da jàn, aih da oh dađiq wì haq, 'nhac ca wì haq hadai loh enh Ap-ra-ham. ⁶ Mahaq Mên-chi-xê-đec 'nhac ca haq ùh xài con xau Lêwi, hadai jah yóc mòiđiq phàn mòiđiq jàt da Ap-ra-ham, khoi èh waiq xôq ramõt ca Ap-ra-ham mangai ma khoi i bàu hùađiq. ⁷ 'Màng aih, bèn lođiq mangai yi ha'nhèq waiq xôq ramõt ca mangai yi ha'neq, aih biac trođiq. ⁸ Trong ma cô 'bài mangai ma gop mòiđiq phàn mòiđiq jàt cô, aih

[☆] 7:1 7:1 BB 14:18-20.

'bài mangai phai cachit, mahaq trong ma tau hòm jah i bàu doi haq rìh hloi hloi, ⁹ 'màng aih jah doi 'màng cô: Lêwi mangai ma gop mòi q phàn mòi q jàt hadai cwa Ap-ra-ham ma gop mòi q phàn mòi q jàt, ¹⁰ ma jah 'màng aih jò Mên-chi-xê-đec lam đìh Ap-ra-ham, èh Lêwi ỏi raq ta chac hamac Ap-ra-ham.

¹¹ Tàng biac broq da pajàu ca xinoi da Lêwi nhò Ranenh jah broq am ca manoh mangai lem linh tòm gêh, èh hagleq ma Boc Plinh atóc mòi q Ngai Pajàu 'noi q, tiaq Mên-chi-xê-đec, ùh xài tiaq Arôn? ¹² Ma jah 'màng aih jò khoi halìh pajàu, èh ranenh hadai phai halìh, ¹³ ma jah 'màng aih, Haq ma jah bàu aih anoi trùh, Haq ỏi ta xinoi 'noi q ma 'nhòq lah i mangai leq broq biac nòi ca 'bông tadreo. ¹⁴ Ma jah 'màng aih, ro rang Chuaq da bèn loh enh xinoi Juda, mahaq xinoi aih Môise ùh i anoi trùh biac wì broq pajàu. ¹⁵ Biac aih jah ro tam hòm tàng i mòi q toq Pajàu ma 'noi q tìah ca Mên-chi-xê-đec mahno loh, ¹⁶ jah dèch atóc broq Pajàu ùh tiaq ranenh da chac xech, mahaq tiaq cwìang itai da can rìh hloi hloi. ¹⁷ Ma jah 'màng aih, cô bàu anoi hlài biac Haq, doi:

“Con broq Pajàu hloi hloi

Tiaq xinoi Mên-chi-xê-đec.”☆

¹⁸ Ma jah 'màng aih bàu thê ma dùnh ùh i cwìang, èh ùh i ca lòiq, 'màng aih khoi cađac. ¹⁹ Ma jah 'màng aih Ranenh ùh broq gêh biac cleq, mahaq manàiq bèn i ngèh gòm lem yi hnao ca Ranenh, nhò biac ngèh gòm aih 'ràng bèn trùh haten ca Boc Plinh.

²⁰ Yi hnao ca aih hòm, 'bài pajàu ma 'noi q tóc broq biac ùh i ca bàu pachac cleq, ²¹ Mahaq Chuaq da bèn jah dèch atóc broq Pajàu i bàu pachac ma Boc Plinh doi:

“Au khoi pachac,

ùh jò leq tablòq manoh hèm,

☆ 7:17 7:17 BCP 110:4.

‘Con broq Pajàu hloi hloi.’”[☆]

²² Taiq bàu pachac aih, Chuaq Jêxu khoi jah wìa Mangai broq cajap ca wêh jao ma neo lem yi hnao.

²³ 'Bàì pajàu calah nèh bàc, mahaq taiq biac cachit, ùh jah wèq hloi dèh biac broq aih, ²⁴ mahaq Chuaq Jêxu Crich, taiq Haq rìh hloi hloi, Haq jah wèq yõc biac broq Pajàu ùh jò leq halìh. ²⁵ 'Màng aih Haq jah dèch gèh tòm dìq mangai ma canòm ca Haq lam trùh haten ca Boc Plình, ma jah 'màng aih Haq rìh hloi hloi òòiq waiq khàn thai ca bèn.

²⁶ Joq, Chuaq Jêxu, Haq Pajàu Ha'nhèq troq am ca bèn, Haq hadròih, ùh i ca biac trech leq, Haq ùh amùà, ùh ta'mùt ca mangai i tòi, Haq khoi yi ha'nhèq òi ta Diac Plình, ²⁷ Haq ùh tìah ca 'bài pajàu càn ma 'noi, ep rìm hì dèch am ngè tadreo adroi taiq tòi, lòi clà, èh taiq tòi lòi jàn. Mahaq Chuaq Jêxu Crich broq biac aih mòiq yàng raq khoi tòm tàu, Haq am dađeh broq ngè tadreo òòiq baxõng tòi lòi ca con mangai. ²⁸ Ma jah 'màng aih Ranenh ma dùnh yõc 'bài mangai ùq broq pajàu ha'nhèq, mahaq bàu pachac ma i atìq ca Ranenh yõc Con ma khoi jah gèh lem hloi hloi.

8

Chuaq Jêxu Pajàu Ha'nhèq da Bèn

¹ Biac bèn ma neo anoi trùh cô, aih 'màng cô: Bèn i mòiq Pajàu Ha'nhèq dõng, aih Chuaq Jêxu Crich ha'ngui pah 'ma ca gèq bùa da Boc Plình ta Diac Plình, ² 'nang broq Mangai patìh ta nòi hadròih hnem cùh waiq joq 'nàng òi ta Diac Plình ma Chuaq broq, ùh xài mangai broq.

³ Rìm pajàu ha'nhèq jah dèch atõc òòiq dèch am ngè tadreo ca Boc Plình, 'màng aih èh Pajàu Ha'nhèq cô hadai nhet i dahwèq òòiq dèch am. ⁴ Tàng Haq òi crõng taneh, Haq ùh broq Pajàu Ha'nhèq, ma jah 'màng aih òi crõng

[☆] 7:21 7:21 BCP 110:4.

taneh khoi i 'bài pajàu dèch am ngè tadreo tiaq Ranenh ma hnài. ⁵ Wì patìh ta hnem cùh waiq òi crõng taneh, aih dua 'mù patìah ca hnem cùh waiq òi ta Diac Plình, hadai tìah ca Môise jò haq padon broq hnem traiq cùh waiq, Boc Plình doi ca haq: “Phai broq ma lem rìm bìac tiaq dua khoi patô ca ìh ta wang Sinai.”[☆] ⁶ Mahaq manàiq cô Chuaq Jêxu broq mòiq bìac đàng ca padèch yi hnao ca 'bài pajàu ha'nhèq, ma jah 'màng aih Haq Mangai ta'ne da wêh jao ma yi lem taiq wêh jao cô jah broq tiaq bàu huaq yi lem.

⁷ Ma jah 'màng aih tàng wêh jao ma adroi khoi jah gêh tòm, èh ùh nhet ca i wêh jao ma neo atìq ca aih. ⁸ Mahaq Boc Plình ùh lem manoh ca con jàn Yothaiq ma tiaq wêh jao ma dùnh: Haq doi:

“Ta 'nhòng atìq cô èh,
 Au broq mòiq wêh jao
 ma neo ca jàn Is-ra-ên
 wa jàn Juda;

⁹ ùh tìah ca wêh jao Au
 ma khoi broq ca boc yaq
 wì haq Ta hì Au ma rùp tì
 wì haq ajèn loh khoi ca Aicàp,
 Taiq wì haq ùh wèq cajap bàu wêh jao da Au,
 Ma jah Au cađac wì haq, aih bàu Chuaq doi.”

¹⁰ Chuaq doi hòm:
 “Cô wêh jao ma neo Au broq ca jàn Is-ra-ên:
 Atìq ca 'bài hì aih,
 Au jah đòiq Ranenh Au mùt ta manoh hèm wì haq,
 wa achìh ta manoh wì haq,
 Èh Au broq Boc Plình wì haq,
 Wì haq jah broq jàn Au.

¹¹ Òi ta wì haq pi i ca mangai leq òi hnài dèh jàn,

[☆] 8:5 8:5 LEA 25:40.

dêh oh daq: 'Ep ngan loq ca Chuaq,'
 Ma jah 'màng aih diq đống ca wì haq,
 Enh mangai diq jaq 'yoh trùh mangai diq jaq càn diq
 canao loq ca Au.

¹² Ma jah 'màng aih Au xa-öch ca wì haq,
 baxõng đac biac ngang dù da wì haq,
 Èh ùh hmàng tôiq lôi wì haq hòm."☆

¹³ Taiq Boc Plình khoi doi: "Wêh jao neo," 'màng aih
 wêh jao ma adroi khoi dùnh, biac cleq ma khoi dùnh pi
 wìa waq, padon hnhung đeh.

9

Hnem Cùh Waiq ta Diac Plình wa Hnem Cùh Waiq ta Crõng Taneh

¹ Wêh jao ma adroi i 'bài ranenh anoi biac khòh broq wa
 biac tagop cùh waiq hadròih ta hnem cùh waiq ối ta crõng
 taneh. ² 'Màng aih Hnem Traiq Cùh Waiq i baiq hagan.
 Hagan ma mòiq doi Nòi Hadròih, i jènh đen wa ca'bõng
 đòiq 'benh hadròih. ³ Enh rù ca bai prình hagan ma baiq,
 aih doi Nòi Dìq Jaq Hadròih, ⁴ i ca'bõng bùh jreo xua thùm
 broq xam wang wa hom wêh jao diq 'bìt xam wang. Ta
 hom i mòiq toq cabi broq xam wang tah bình mana, long
 canhra loh riang da Arôn, wa baiq capiac hmu achìh bàu
 wêh jao. (Aih nòi pajàu ha'nhèq 'ràng abôq jreo xua thùm
 mòiq hanam mòiq yàng) ⁵ Enh 'nhèq ca hom wêh jao i baiq
 chê-ru-bim 'ngah 'ngai, 'mù haq prình calàp baxõng tôiq,
 mahaq cô ùh xài jò đòiq anoi biac aih đòiq haq ro rang.

⁶ Rìm biac khoi padon gêh 'màng aih, rìm hì 'bài pajàu
 mùt hagan ma mòiq ta hnem traiq cùh waiq broq đồ đòiq
 wì haq broq dèh biac cùh waiq. ⁷ Mahaq hagan ma baiq,
 mòiq hanam mòiq yàng, mòiq ngai pajàu ha'nhèq mùt

☆ 8:12 8:12 Jêr 31:31-34.

ta aih, wê mahem ðòiq am tadreo ca Boc Plinh rôt hlài dèh tôiq lôl clà, wa biac troq lò broq tôiq da mangai jàn. ⁸ Yiang Hadròih yôc biac cô ðòiq patô 'noh ca bèn, ma jah 'màng aih jò hnem traiq cùh waiq broq ðò yàng ma adroi ôi ôi, trong ma mùt ta hagan ma Dìq Jaq Hadròih 'nhòq mahno loh. ⁹ Dìq ca biac aih toq broq dua ðòiq patiah trùh 'nhòng da bèn cô, ðòiq patô ca bèn hnoq, 'bài ngè tadreo wa dahwèq tadreo ùh jah broq ca mangai cùh waiq jah tòm gèh ta manoh loq, ¹⁰ mahaq toq anoi trùh dahwèq caq, dahwèq ôq, lè 'nheo hreo crài ca dabau, aih biac broq ca chac hamac trùh jò i wêh jao ma neo.

¹¹ Mahaq Chuaq Jêxu Crich khoi mahno loh, broq Pajàu Ha'nhèq da biac wêh jao ma neo, Haq mùt ta Hnem Cùh Waiq yi lem linh tòm gèh ôi ta Diac Plinh, ùh xài nhò tì con mangai broq ta crõng taneh cô. ¹² Haq mùt nòi Dìq Jaq Hadròih mòiq yàng raq, ùh wê mahem bubi wa 'bo con, mahaq Haq yôc mahem dađeh ðòiq jah rôt hlài enh tôiq lôl hloi hloi. ¹³ Ma jah 'màng aih, tàng mahem bubi wa 'bo calô, loq blo 'bo cadrì adrùh da'rat ca mangai i tôiq xôq jah broq hadròih ca chac xech wì haq, ¹⁴ ùh dùh dèh ca mahem Chuaq Jêxu Crich, nhò Yiang Hadròih ma rìh hloi, dèch am dađeh broq ngè tadreo, ùh i ca xit, jah 'nheo hreo manoh loq bèn claih ca tôiq lôl, waq ca bèn jah patih ca Boc Plinh ma rìh hloi hloi.

¹⁵ Taiq 'màng aih, Haq Mangai Ta'ne ma broq wêh jao ma neo, waq ca jah baxõng ðòih tôiq da mangai ôi enh 'neq ca wêh jao baxèm, ðòiq ðìq ca wì ma khoi jah creo, jah nhàn yôc xôxech hloi hloi tiaq Boc Plinh khoi rùp bàu am.

¹⁶ Jò achìh jàiq ðòiq axong cùng hang, tàng mangai ma achìh jàiq aih 'nhòq cachit, jàiq aih 'nhòq jah broq cleq. ¹⁷ Jàiq achìh ðòiq axong cùng hang i cwàng ðòiq axong jò mangai ma achìh aih cachit, tàng mangai ma achìh aih

õi rih èh jàiq aih ùh i ca cwàng cleq. ¹⁸ Hadai 'màng aih, wêh jao ma adroi, hadai ep i mahem òiòiq broq. ¹⁹ Jò Môise anoi pa'noh rìm bàu thê da Ranenh ca òiq ca jàn, haq yóc mahem 'bo con, bubi wa diac, capaih gòh wa long cachiq xôn timer òiòiq da'rat ta sech ranenh wa ta òiq ca jàn. ²⁰ Haq doi: “Cò mahem wêh jao Boc Plính khoi doi 'noh òiòiq pì wèq cajap!”[✠] ²¹ Hi khoi haq hadai yóc mahem aih da'rat ta Hnem Traiq Cùh Waiq, wa òiq ca ranac padon òiòiq ca bìac cùh waiq. ²² Tiaq Ranenh ma dùnh, èh òiq ca bìac nhò mahem men jah hreo, taiq tàng ùh ta-ùc mahem èh ùh i ca bìac baxông tôiq.

²³ 'Màng aih tàng hnem cùh waiq broq òò òi ta crông taneh cò wa òiq ca hiniq ta aih broq dua 'mù òiòiq patiah òiq ca bìac òi ta Diac Plính, ep nhò mahem 'bo wa bubi ma jah hreo, ùh dùh dèh èh bìac òi ta Diac Plính ep nhet ca ngè tadreo yi canaq hòm. ²⁴ Ma jah mang aih Chuaq Jêxu Crich ùh mùt nòi hadròih nhò tì mangai broq patiah ca nòi hadròih joq 'nàng, mahaq Haq mùt nòi hadròih ta Diac Plính thai ca bèn enh ngìa ca Boc Plính. ²⁵ Haq ùh mùt ta aih òiòiq dèch am dađeh bàc yàng tiah ca pajàu ha'nhèq ma 'noiç, rìm hanam phai mùt nòi òiq jaq hadròih òiòiq am mahem, mahaq ùh xàì mahem cla. ²⁶ Tàng 'màng aih, enh jò baxèm broq plính crông taneh, Haq ep chiùq cachit bàc yàng, mahaq manàiq cò Haq khoi mahno loh mòiq yàng raq ta 'nhòng ma atiq lùch, am dađeh broq ngè tadreo òiòiq cađac tôiq lòi. ²⁷ Tiaq troi khoi pajaq ca con mangai ep cachit mòiq yàng, atiq ca aih ep chiùq bìac hadrah, ²⁸ hadai 'màng aih, Chuaq Jêxu Crich khoi am dađeh mòiq yàng raq òiòiq cađac tôiq lòi da bàc ngai. Haq jah trùh hòm yàng ma baiç ùh xàì òiòiq pòq tôiq lòi hòm, mahaq òiòiq am bìac dèch claih ca mangai ma gòm Haq.

✠ 9:20 9:20 LEA 24:8.

10

Chuaq Jêxu Cachit Mòiq Yàng Tôm Gêh

¹ Ranenh Môise toq broq 'mù da biac lem padon trùh, ùh xài biac lem joq 'nàng, taiq ngè tadreo wì am rìm hanam ùh jah broq ca mangai enh trùh haten ca Boc Plình jah lem tôm gêh. ² Tàng jah, ùh xài wì haq khoi pi hìaq ep tadreo hòmm 'mòh? Ma jah 'màng aih mangai ma cùh waiq jah 'nheo hreo ca manoh loq mòiq yàng raq khoi lem, èh pi hèm trùh ca tôiq hòmm. ³ Mahaq, ngè tadreo rìm hanam 'màng aih thê wì haq hmàng hlài dèh tôiq lô, ⁴ ma jah 'màng aih mahem 'bo calô wa bubì ùh jah lèh ca'naih cađac tôiq lô.

⁵ 'Màng aih, jò Chuaq Crich trùh crõng taneh Haq i doi: “Boc Plình ùh enh ca ngè tadreo wa dahwèq tadreo, Mahaq Boc Plình khoi padon am ca Au mòiq chac hamac.

⁶ Boc Plình ùh bùi manoh ca dahwèq tadreo bùh wa ngè tadreo òiq baxõng tôiq lô.

⁷ Hi khoi au doi: ‘Ôi Boc Plình, cô Au trùh; Ta Sech Hadròih i achìh biac Au,

Au trùh òiq broq tiaq manoh ìh enh.’”☆

⁸ Adroi Chuaq i doi: “Boc Plình ùh enh, hadai ùh bùi manoh ca ngè tadreo, dahwèq tadreo wa ngè tadreo bùh, rõt hlài enh tôiq lô dađeh, aih òiq tiaq Ranenh hnài.”

⁹ Atiq Haq doi hòmm: “Cô au lam trùh òiq broq tiaq manoh Boc Plình enh.” Haq khoi cađac biac ma adroi òiq broq hagao biac atiq. ¹⁰ Tiaq manoh enh aih, bèn jah wìa hadròih, nhò Chuaq Jêxu Crich am dèh chac hamac mòiq yàng raq khoi hêq.

¹¹ Rìm pajàu ma 'noi q rìm hì yòng am hlài ngè tadreo, mahaq ngè tadreo aih ùh jò leq jah baxõng đac tôiq lô.

¹² Mahaq Mangai cô, mòiq yàng am ngè tadreo xam dađeh

☆ 10:7 10:7 BCP 40:6–8.

đòiq baxõng dòih tôiq hloi hloi, hi khoi Haq ha'ngui pah 'ma Boc Plinh, ¹³ khoi ca aih Haq gòm trùh jò 'bài mangai ma git ca Haq 'bìq broq long thòt ca jènh da Haq. ¹⁴ Ma jah 'màng aih, nhò ngè tadreo dèch am mòi q yàng aih, Haq broq ca 'bài mangai lùì Haq jah tòm gêh hloi hloi wa jah wìa hadròih.

¹⁵ Yiang Hadròih hadai anoi hlài ca bèn 'màng aih, Haq doi:

¹⁶ “Cò wêh jao Au broq ca wì haq
atìq ca 'bài hì aih, Chuaq doi:

Au jah đòiq Ranenh Au mùt ta manoh wì haq,
Achìh ta manoh hèm wì haq.”☆

¹⁷ Èh Haq doi hòm:

“Au pi jò leq hmàng trùh
tôiq lôì ngang dù wì haq hòm.”☆

¹⁸ Nòi leq tôiq lôì khoi jah baxõng, èh pi ep am ngè tadreo đòiq rôt hlài enh tôiq lôì hòm.

¹⁹ 'Màng aih, òi oh daq, nhò mahem Chuaq Jêxu Crich bèn cajap manoh jah mùt nòi đìq jaq hadròih ²⁰ nhò Haq khoi pèh am ca bèn trong neo, trong rìh khoi pèh pagat cwa bai prình, aih nhò chac hamac Haq, ²¹ wa taiq bèn i mòi q Pajàu Ha'nhèq càn wèq cwiàng Hnem Boc Plinh, ²² bèn phai trùh haten ca Chuaq xam manoh lem jang, wa manoh lùì cajap cajình, manoh loq jah 'nheo hreo khoi ca bìac ngang dù, chac hamac jah 'nheo xam diac đìq jaq hliang, ²³ phai wèq dèh manoh lùì wa bìac ngèh gòm da bèn đòiq ùh tadroq, ma jah 'màng aih Haq ma khoi hùaq ca bèn, Haq aih wèq dèh bàu. ²⁴ Bèn phai loq hèm haboq trùh dabau đòiq pariaq dabau tiaq manoh loq waq wa broq bìac lem. ²⁵ Apa q cađac bìac tagop tìah ca mòi q 'nah ngai khoi hmòt broq, mahaq phai pariaq dabau, ma jah 'màng

☆ 10:16 10:16 Jêr 31:33. ☆ 10:17 10:17 Jêr 31:34.

aih tàng pì hnoq Hì Chuaq tenh trùh dàng leq, èh phai nhet ca broq dàng aih.

²⁶ Tàng bèn khoi 'nì khoi loq ro rang ca bàu joq 'nàng, khoi èh to broq tôiq, èh pì i ca ngè tadreo leq jah rôt dèch hlài hòmh, ²⁷ mahaq toq tarìt gòm biac hadrah wa ùnh khàng bùh cheo mangai ma enh tajraq hlài 'màng aih. ²⁸ Mangai leq ma broq ùh troq ca Ranenh Môise, tàng i baiq piq ngai anoi hlài, èh 'bìq hadrah jêh đac, ùh jah xa-öch, ²⁹ ùh dùh dèh mangai ma jôiq nunit Con Boc Pình, ngan mahem wêh jao ùh loh cleq, aih mahem khoi broq bèn hadròih, èh hanip Yiang Hadròih ma 'ràng biac am dech, èh pì xoh mangai aih ma ùh đàng ca baxa yi hnao 'mòh? ³⁰ Ma jah 'màng aih bèn khoi canao loq Boc Pình khoi doi: “Biac ma baxa hlài wì haq, aih biac Au, cla Au jah padreo hlài da wì biac wì ma phai chiùq.”[☆] Haq doi hòmh: “Chuaq jah hadrah dèh jàn.”[☆] ³¹ Hlòp ta tì Boc Pình ma rìh hloi hloi, aih biac joq 'nàng broq ca mangai yùq crè tarìt!

³² Pì phai hmàng hlài 'bài hì adroi cô nèh, jò 'nang jah loq ca Chuaq Jêxu Crich, pì khoi ran chiùq biac tabroq càn ca biac nan xa dàng leq, ³³ i jò chiùq wì do lê enh ngìa ca bacc ngai wa glàm biac wì baxa; pì hadai chiùq biac baxa jò mòiq manoh ca mangai 'noi q ma 'nang chiùq baxa. ³⁴ Joq 'màng aih, pì khoi wiang chiùq xalep ti mangai òi tù, bùi manoh jò wì yöc da pì cùng hang, taiq pì loq pì i cùng hang canaq yi hnao òi hloi ta Diac Pình. ³⁵ 'Màng aih apaq cađac manoh lùì cajap jah 'ràng am ca pì biac baha càn òi ta Diac Pình.

³⁶ Ma jah 'màng aih oh daq phai dràng àt òi q atiq ca jò broq tiaq manoh enh da Boc Pình, pì jah hùang biac Haq ma khoi hùaq. ³⁷ Òi toq 'biaq,

[☆] 10:30 10:30 RAH 32:35. [☆] 10:30 10:30 RAH 32:36; BCP 135:14.

“Ùh hìaq dùnh dàng leq,
 Haq ma trùh èh jah trùh,
 Haq ùh xòi trùh.”[☆]

³⁸ “Mahaq mangai ta-atoq da Au, jah rìh tiaq manoh lùì.
 Tàng mangai leq lam laq alùi enh Chuaq,
 Èh manoh Au ùh lem bùì ca haq.”[☆]

³⁹ Phàn da bèn, ùh xài mangai lam laq alùi enh Chuaq òòiq
 'bìq raliang cađac, mahaq bèn mangai wèq manoh lùì òòiq
 jah rìh.

11

Can Dêh Da Manoh lùì

¹ Manoh lùì, aih khoi loq ta manoh ro rang biac bèn
 ma đàng ngèh gòm, aih teo patô ro biac ma ùh jah hnoq.

² Mangai calah nèh jah lem manoh Boc Plình taiq wì haq i
 manoh lùì.

³ Nhò manoh lùì, bèn loq crống taneh khoi jah i nhò bàu
 Boc Plình. 'Màng aih, òòiq ca hiniq ma bèn hnoq, khoi jah
 broq wìa enh rìm hiniq ma bèn ùh xao hnoq.

⁴ Nhò manoh lùì, Abên[☆] khoi am ca Boc Plình ngè
 tadreo yi lem ca ngè tadreo da Cain. Boc Plình khoi nhàn
 yóc dahwèq da Abên òòiq jah doi haq mangai ta-atoq.
 'Nhac ca haq khoi cachit, biac haq broq aih xôq òi hnài
 bèn trùh manàiq.

⁵ Nhò manoh lùì, Ênoc khoi jah tõi ta Diac Plình, ùh
 hìaq ep hnoq biac cachit. “Wì ti chaq haq mahaq ùh hnoq
 taiq Boc Plình khoi atõi haq.”[☆] Adroi ca haq jah atõi ta
 Plình, khoi jah Chuaq doi haq mangai caq òi lem manoh
 Boc Plình. ⁶ Mahaq tàng ùh i ca manoh lùì, èh ùh broq
 'màng leq jah broq lem manoh Boc Plình, taiq mangai leq

[☆] 10:37 10:37 Êsai 26:20; Hab 2:3. [☆] 10:38 10:38 Hab 2:4. [☆] 11:4 11:4
 BB 4:4. [☆] 11:5 11:5 BB 5:21–24.

trùh haten ca Boc Plình, èh phai lùì i Haq joq 'nàng, wa hadai lùì Haq am bìac lem ca mangai leq òiq ca manoh ti chaq Haq.

⁷ Nhò manoh lùì, Noah[☆] jah Boc Plình pa'yèp adroi bìac 'nhòq hnoq, xam manoh loq iu yùq, haq khi broq mòiq toq bong òòiq dèch dèh cadraq cla. Nhò manoh lùì haq ta'mòq tòi q ca mangai crõng taneh, mahaq cla haq jah Boc Plình doi haq ta-atoq taiq haq i manoh lùì.

⁸ Nhò manoh lùì, Ap-ra-ham khi dì tiaq jò Boc Plình creò haq, wa thê haq lam trùh nòi haq jah nhàn broq xôxech. Haq loh lam mahaq haq ùh 'nì dađeh lam ta leq.

⁹ Nhò manoh lùì Ap-ra-ham rìh òi ta gùng ma Boc Plình khi rùp bàu am ca haq. Haq rìh tìah ca mangai enh diac 'nòi q. Haq, Isac con haq wa Jacôp xau haq òi ta hnem traiq. Wì hadai jah hùang bàu hùaq aih ti haq. ¹⁰ Ap-ra-ham broq 'màng cô taiq haq ti chaq mòiq toq phòq ma i xem cajap, aih phòq Boc Plình khi hèm broq wa khi broq.

¹¹ Nhò manoh lùì, 'nhac ca Sara mangai xon wa khi bàc hanam, mahaq xôq jah nhàn yõc padren òòiq hadràp, ma jah 'màng aih Sara lùì Boc Plình ma khi hùaq Haq joq 'nàng wèq dèh bàu. ¹² 'Màng aih, nhò mòiq ngai raq ngan ten cachit, khi xa-ông loh bình ngõng con xau, cràm tìah ca hlõng ta plình wa bàc tìah ca braih diac raxìq, rèn ùh nui.

¹³ Dìq ca 'bài mangai aih i manoh lùì cajap trùh jò cachit, mahaq jò aih 'nhac ca wì haq 'nhòq jah nhàn bìac ma Chuaq rùp bàu am, wì haq toq loq, bla èh wì haq jah nhàn. Jò wì haq òi rìh ta crõng taneh, wì haq doi cla dađeh mangai tamoi hangai òi òò hêq. ¹⁴ 'Bài mangai ma doi 'màng aih, jah loq wì haq 'nang ti chaq mòiq nòi òi ca dađeh. ¹⁵ Tàng wì haq xôq òi hèm dèh ca nòi òi ma dùnh, aih nòi wì haq khi loh lam, èh i jò ta'nài wì haq tawìh

☆ 11:7 11:7 BB 6:13-22.

hlài ta nòi aih. ¹⁶ Mahaq wì haq ngèh enh ca nòi yi lem, aih nòi òi ta Diac Plình. 'Màng aih, Boc Plình ùh hìaq camaih jò wì creo Haq Boc Plình da wì haq, taiq Haq khoi padon òoiq ca wì mòiq phôq.

¹⁷ Nhò manoh lùì, Ap-ra-ham khoi yóc Isac òoiq broq ngè tadreo jò Boc Plình 'bàt thù haq. Ap-ra-ham bùi manoh dèch am dèh con mòiq da haq, 'nhac ca con aih haq khoi jah nhàn yóc enh bàu hùaq da Boc Plình. ¹⁸ Boc Plình khoi doi ca haq: “Enh Isac, ìh jah i mòiq xinoi pòq hiniq ìh.”[☆] ¹⁹ Ma jah 'màng aih Ap-ra-ham hèm, Boc Plình i cwìang broq mangai cachìt jah rìh hlài, 'nhac ca haq 'nhòq jêh cachìt dèh con mahaq tiah ca haq khoi jah hlài dèh con enh nòi cachìt rìh hlài.

²⁰ Nhò manoh lùì, Isac waiq xôq ramôt am ca Jacôp wa Êsau biac loh dang ngĩa cô èh.

²¹ Nhò manoh lùì, Jacôp jò ten cachìt, haq waiq xôq ramôt am ca baiq toq con Jôsep, canòm dèh ca long canhra rai cùh waiq.

²² Nhò manoh lùì, jò ten cachìt, Jôsep doi adroi biac con xau Is-ra-ên cô èh loh lam enh Aicàp. Haq tanap thê wì 'nong caxèh haq lam tiaq wì.

²³ Nhò manoh lùì, jò Môise neo xa-ông, miq baq haq hùà cadoc haq piq khê, taiq wì hnoq dèh con nga lem lình; ùh hìaq yùq ca bàu thê da bùa Aicàp.

²⁴ Nhò manoh lùì, Môise jò khoi jah yòng càn, haq ùh enh broq con da con cadrì bùa Pha-ra-ôn, ²⁵ mahaq haq khoi raih trong chiuq jùq jàm pajùm ti con caiq Boc Plình, yi hnao ca jah lem bùi mòiq hòi ta biac tòi q lôì. ²⁶ Haq ngan biac jù lê taiq Chuaq Crich, aih lem yi hnao ca wang 'bac da Aicàp, taiq haq loq enh biac baha càn ma Boc Plình rùp bàu am ca haq atiq cô èh. ²⁷ Nhò manoh lùì, haq cađac gùng Aicàp, ùh yùq can nòih da bùa, ma jah 'màng aih haq

☆ 11:18 11:18 BB 21:12.

i manoh cajap lùì Haq ma ùh cabô jah hnoq. ²⁸ Nhò manoh lùì, haq wèq Lè Lam Cwa wa broq lè xùt mahem, waq ca 'bình plình ma jêh cachit ùh hìaq jêh đac con ramua jàn Is-ra-ên.

²⁹ Nhò manoh lùì, jàn Is-ra-ên lam cwa Diac Raxìq Gòh bu dăng lam ta taneh croh. Jò mangai Aicàp 'bõì tiaq lam cwa, èh wì haq cachit ca diac raxìq glàp ta aih.

³⁰ Nhò manoh lùì, òiq ca panàt phòq Jê-ri-cô raliang taclìh atìq ca con jàn Is-ra-ên lam wawenh ca phòq tapèh hì.

³¹ Nhò manoh lùì, Rahap gu cadrì tango yõc 'bac, ùh cachit ti mangai ùh lùì, ma jah 'màng aih haq khoi yõc manoh lem đìh yõc mangai lam rinh ngan.

³² Au nhet anoi tam ca pì cleq hòm? Ma jah 'màng aih pi i ca thì jò òiq anoi hlài biac Ghi-đê-ôn, Barac, Samsôn, Jephthê, Đawit, Sa-mu-ên, wa òiq ca mangai capoch thai Boc Plình. ³³ Wì haq aih nhò manoh lùì, khoi jah ta'blêq ca diac 'noiç, broq biac ta-atoq, jah nhàn yõc bàu hùaq, bàng hacùng baco, ³⁴ papat pla ùnh 'nang khàng, claih ca chang gùm, enh can iuq wìa can dèh, tanuq jò tajêh poh, tajêh wa ta'blêq bình hrinh lình Diac 'noiç. ³⁵ I 'nah ngai mangai cadrì jah hlài dèh mangai hnem cla enh can cachit. Mahaq i 'nah ngai ma 'noiç chiuq mangai jêh baxa wì, taiq wì ùh enh cabô dèch dõih, taiq wì haq enh can rìh hlài yi lem. ³⁶ I 'nah ngai 'bìq do lê, 'bìq blai, 'nah ngai 'noiç hòm chiuq wì cật xam caxi mem tagwat wa chiuq õi tù. ³⁷ Wì haq chiuq tèm hmu trùh cachit, chiuq pốt loh baiç xam cùa, chiuq jêh cachit xam chang gùm. Wì haq caxùnh eo xam akia trùu wa bubi lam liq lam làn bacc nòi. Wì haq pangot hrah, chiuq padit padiang wa chiuq baxa rìm trong. ³⁸ Crõng taneh cô ùh đàng ca wì haq õi. Wì haq ep lam liq làn ta òùng hawit, ta wang, ta còp hmu wa ta trom ta taneh.

³⁹ Nhò manoh lùì, dìq dǒng 'bài mangai aih jah Boc Plình lem manoh, mahaq xôq 'nhòq nhàn yǒc biac Chuaq khoi rùp bàu am ca wì, ⁴⁰ taiq Boc Plình khoi padon òđi q biac lem yi hnao ca bèn, enh gùng ca bèn, wì haq ùh jah Boc Plình broq wìa lem dìq dǒng.

12

Trong Hnài Can Rìh Hadròih

¹ Ma jah 'màng aih, taiq bèn khoi i bàc ngai ngan hnoq tìah ca cato yùc wawenh, 'màng aih bèn khòh hwenh dǒng rìm biac genh trap wa tòi q lòi ma padràng bèn, èh bèn yǒc manoh chiùq àt caq òi ma lem tiaq trong Boc Plình enh, ² khòh ngan hnoq Chuaq Jêxu Crich, Haq ma broq xem manoh lùì da bèn enh jò baxèm trùh pulùch. Taiq Haq khoi loq atìq cô èh jah bùi manoh, 'màng aih Haq chiùq cachìt jìq xa dìq jaq ta long pagat, khình biac jù lê. Manàiq cô Haq ha'ngui pah 'ma ta gèq bùa Boc Plình. ³ 'Màng aih, pì phai hèm haboq ca Haq ma khoi chiùq biac tajraq hlài enh mangai i tòi q ma git ca Haq bàc dàng leq, òđi q pì ùh hìaq tagah lep wa ùh hìaq hǒnh manoh.

⁴ Biac tabroq ca tòi q lòi, pì 'nhòq hìaq trùh 'mòì phai ta-ùc mahem. ⁵ Pì khoi hèt ca bàu pariaq pì, tìah ca bàu hnài con:

“Con ôi, apaq ngan ùh loh cleq biac doi hnài da Chuaq; jò Haq lech, apaq mango wa hǒnh manoh.

⁶ Ma jah 'màng aih, Chuaq lech hnài mangai leq Haq loq waq;

Mangai leq Haq nhàn broq con, Haq blai.”☆

⁷ Tàng pì chiùq biac lech hnài, aih èh Boc Plình ngan pì tìah ca con, ma jah 'màng aih, con leq baq ma ùh lech hnài? ⁸ Tàng pì ùh chiùq Boc Plình lech hnài tìah ca rìm ngai broq con ma phai chiùq, 'màng aih pì aih con tango,

☆ 12:6 12:6 BR 3:11,12.

ùh xài con joq 'nàng. ⁹ Baq bèn ỏi crống taneh lech hnài bèn ji bèn loq iu bàu wì haq, ùh dùh dèh ca Baq da mahua yiang ma bèn khòh loq dì tíaq Haq yi hnao hòm òiđiq jah rìh. ¹⁰ Baq bèn phàn chac hamac lech hnài bèn toq 'biaq hanam, tíaq dèh manoh xoh dađeh broq troq, mahaq Baq ta Plình lech hnài bèn tíaq trong i lòiq ca bèn, òiđiq broq bèn jah i phàn ta can hadròih Haq. ¹¹ Dìq ca biác lech hnài jò baxèm joq broq ca bèn ùh lem bùi, broq ca bèn mango, mahaq atìq cô èh jah 'ràng biác catèm wa biác ta-atoq ca mangai leq khoi chiùq axràm 'màng aih.

¹² 'Màng aih broq ca tì ma tagah wa cràng ma tabat da pì loh ca tadêh beq, ¹³ "Pì phai broq ca dađeh trong ma da-adàng,"[☆] òiđiq atap caxènh ùh hìaq 'bìq talech mahaq jah brêh.

¹⁴ Phai ran òiđiq ca manoh òiđiq jah broq hatroq ca rìm ngai, hadai ti chaq tíaq can hadròih, ma jah 'màng aih, tàng ùh wìa hadròih, èh ùh i ca mangai leq jah hnoq Chuaq. ¹⁵ Phai rabiaq oq èh loq i mangai leq broq hù hnhung đac biác am dech da Boc Plình; apaq am riah tagìq tagìa plôh loh ta'ne oh daq, wa broq ca bəc ngai wìa ùh hadròih. ¹⁶ Phai ngan kenh òiđiq ỏi ta pì ùh hìaq i mangai leq tango anang, loq capoch bàu hanip 'mèq 'mac tìah ca Êsau khoi tech dèh cwìang broq con ramua òiđiq halìh yóc caq mòiq wea acaq. ¹⁷ Pì loq, atìq ca aih haq enh waq baq haq waiq xôq ramòt am ca haq, mahaq pi jah, 'nhac ca haq chaq ta'nàih biác cađac dèh manoh broq tòiđiq wa hmoi rawah dang xìn.

¹⁸ Oh daq ùh trùh haten ca wang ma jah bèq, hadai ùh trùh haten ca pla ùnh 'nàng khàng, nòi clam cluiq, yùc gam wa nòi cayo bahùt càn, ¹⁹ loq atêh ken ma dèh, loq bàu capoch broq òiđiq jaq yùq crè, trùh 'mòi mangai leq

☆ 12:13 12:13 BR 4:26.

tàng, hadai xìn apaq capoch tam bàu leq hòim, ²⁰ taiq wì haq ùh nui chiùq bàu thê 'màng cô: “ 'Nhac ca ngè ma rìh ta rôim trùh haten bèq wang cô, hadai khòh tèm hmu trùh cachit.”[✠] ²¹ Ta wang jò aih dìq jaq ramòt, trùh 'mòi Môise ji doi: “Au loq yùq crè dìq jaq, loh ca tarit.”[✠]

²² Mahaq pì khoi trùh Wang Siôn, haten ca phòq da Boc Plình ma rìh hloi hloi, aih phòq Jê-ru-sa-lem ta Diac Plình, nòi i bàc hrinh 'bình plình tagop, ²³ haten ca tagop hadròih da 'bài con ramua ma khoi jah achìh 'mùt hiniq ta plình, haten ca Boc Plình, Haq ma broq Cwan Tình Hiniq Hadrah rìm ngai, wa haten ca dìq ca yiang da 'bài mangai ta-atoq wa khoi jah lem lình tòm gêh, ²⁴ haten ca Chuaq Jêxu Crich, Haq Mangai Ta'ne ma broq wêh jao ma neo, haten ca mahem ma khoi ta-ùc, mahem aih i cwìang itai yi hnao ca mahem Abên.

²⁵ Pì phai ngan kenh oq, apaq chòiq ca Haq ma anoi hnài, taiq tàng wì ma chòiq tamàng Haq ma pa'yèp wì ta crõng taneh ùh jah claih, ùh dùh dèh ca bèn ùh jah claih tàng bèn chòiq Haq ma capoch bàu enh plình. ²⁶ Calah nèh bàu capoch da Haq broq ca taneh dalàc, mahaq manàiq cô Haq rùp bàu, doi: “Mòiq yàng hòim atìq cô èh, ùh xài Au toq broq crõng taneh dalàc, mahaq dìq ca plình hadai.”[✠] ²⁷ 'Màng aih, bàu ma doi: “Mòiq yàng hòim” aih i hiniq, Boc Plình raliang cađac dìq ca hiniq Haq khoi broq ma jah dalàc, waq ca dìq ca hiniq ma ùh jah dalàc jah òi yôt.

²⁸ 'Màng aih, taiq bèn jah hùang mòiq Diac Plình ma ùh jò leq dalàc, bèn khòh yõc manoh manè, loq iu yùq, wa broq bìac waq ca broq lem manoh Boc Plình. ²⁹ “Ma jah 'màng aih Boc Plình da bèn, Haq pla ùnh loq bùh cheo.”[✠]

✠ 12:20 12:20 LEA 19:12,13. ✠ 12:21 12:21 RAH 9:19. ✠ 12:26 12:26 Hag 2:6. ✠ 12:29 12:29 RAH 4:24.

13

Bàu Tanap Pulùch

¹ Oh daq phai hloi hloi loq waq ca dabau tìah ca oh, tìah ca daq. ² Apaḡ hêt ãiḡ yõc mangai tamoi, taiḡ nhò broḡ 'màng aih, 'nah ngai khoi ãiḡ yõc 'bình plình mahaḡ cla wì ùh 'nì. ³ Apaḡ hêt ca 'bài mangai ma õi tù, xa-õch ca wì haḡ ãiḡ, 'màng ca pì hadai õi tù ti wì haḡ, wa hadai hmàng ca mangai 'nang chiuḡ wì baxa pani taiḡ pì hadai i chac hamac troi wì haḡ.

⁴ Rìm ngai phai ngan ha'nhèḡ biac ta'nèḡ õng mai, wa wèḡ nõi cùi da ta'nèḡ lem xriu, ma jah 'màng aih Boc Plình joḡ 'nàng hadrah baxa mangai tango wa mangai tango anang. ⁵ Apaḡ i manoh loḡ ham ca 'bac jèn, mahaḡ khòh i manoh lem bùi ãiḡ ca hiniḡ ma 'nang i, ma jah 'màng aih, Boc Plình khoi doi:

“Au ùh jò leḡ hangai ca ìh.

Au ùh jò leḡ caḡac ìh!”[☆]

⁶ 'Màng aih, bèn jah cajap manoh doi:

“I Chuaḡ jùḡ ãiḡ, au ùh yùḡ cleḡ.

Con mangai 'nhòng cô broḡ cleḡ ca au ma jah?”[☆]

⁷ Pì phai hmàng ca 'bài mangai khoi 'nong trong wa anoi hnài bàu Chuaḡ ca pì. Ngan ma ro wì haḡ caḡ õi 'màng leḡ, èh pì tiaḡ troi manoh lùì wì haḡ. ⁸ Chuaḡ Jêxu Crich, hì hnèh, hì cô, trùh hloi hloi, ùh i jò leḡ tablòḡ.

⁹ Apaḡ ãiḡ bàu hnài ùh troḡ padô 'nùḡ pì, ma jah 'màng aih nhò biac am dech manoh jah cajap, aih ma lem, ùh xài tiaḡ ranenh caḡ jam loḡ ùh caḡ jam, biac ma ùh broḡ lòiḡ cleḡ ca mangai. ¹⁰ Bèn mangai lùì canòm Chuaḡ Jêxu khoi i ca'bõng tadreo, nõi aih wì ma patìh ta hnem traiḡ cùh waiḡ ùh khòh caḡ.

[☆] 13:5 13:5 RAH 31:6. [☆] 13:6 13:6 BCP 118:6,7.

¹¹ 'Màng aih, mahem da ngè tadreo wì pajàu ha'nhèq 'ràng mùt ta nòi hadròih òòiq tadreo thai ca tòi q lô i, khi òh chac da ngè tadreo aih 'ràng bùh enh gùng ca phòq. ¹² Taiq 'màng aih, òòiq yòc mahem 'nheo hreo tòi q lô i bèn, chac cla Chuaq Jêxu Crich hadai khi chiùq wì baxa enh gùng ca ngo phòq. ¹³ 'Màng aih bèn phai loh enh gùng ca panàt phòq ti Chuaq Jêxu, wiang chiùq biac jù lê pajùm ca Haq. ¹⁴ Ma jah 'màng aih ta cô ùh i ca phòq leq jah òi hloi hloi, mahaq bèn ti chaq mòiq phòq dang ngìa òh.

¹⁵ 'Màng aih, canòm ca Chuaq Jêxu Crich, bèn khòh manè apôi Boc Plình hloi hloi xam bàu capoch, aih tiaha ca ngè tadreo am ca Haq. ¹⁶ Apa q hèt ca broq biac lem wa loq jùp òò mangai 'noi q, ma jah 'màng aih biac 'màng aih tiaha ca ngè tadreo broq lem manoh Boc Plình.

¹⁷ Oh daq phai loq iu bàu wì ma 'nong trong ca pì wa broq troq troi bàu hnài da wì haq, ma jah 'màng aih wì haq wèq ban mahua yang pì. Wì haq aih mangai ma ep anoi hlài biac da pì enh ngìa ca Chuaq. Am ca wì haq broq biac cô xam manoh bùi, ùh hìa q mamùc, tàng wì haq mango, òh hadai ùh lòiq cleq ca pì.

¹⁸ Wai q khàn am ca nhèn oq, òòiq nhèn nui wèq dèh manoh loq jah lem hreo, wa caq òi lem ta rìm trong. ¹⁹ Au hadai xìn oh daq wai q khàn am ca au òòiq au jah renh trùh ti pì.

²⁰ Wai q xìn Boc Plình da can catèm, Haq ma khi broq Chuaq Jêxu Crich jah rìh hlài enh nòi cachit, Haq Mangai Ban Trìu càn caiq, wa nhò mahem da Haq jah broq wêh jao hloi hloi, ²¹ ta 'mroq am ca pì jah tòm gêh ta rìm biac broq lem, nhò Chuaq Jêxu Crich broq troq manoh tiaq Haq enh waq òòiq Haq jah 'ngah 'ngai hloi hloi. Amen.

²² Ôi oh daq, au xìn pì bùi manoh nhàn yòc bàu pariaq cô, taiq au achìh toq 'biaq raq hêq.

²³ Ti-mô-thê, oh daq bèn khoi jah loh enh hnem tù. Tàng haq renh trùh, au hadai lam ti haq hmàih ca pì.

²⁴ Au gòi bàu bòch hmàih òi ca 'bài mangai craq wèq tagop pì wa òi ca mangai hadròih. 'Bài con caiq òi ta Diac I-ta-li gòi bàu hmàih ca pì.

²⁵ Waiq xìn bìac am dech òi hloi ti òi ca pì. Amen.

Sech Hadròih
Sech Hadròih

Copyright © 2020 Wycliffe Bible Translators, Inc.

Language: Hre

Contributor: Wycliffe Bible Translators, Inc.

Published: 2015 Nhà Xuất Bản Tôn Giáo
All rights reserved.

2020-11-17

PDF generated using Haiola and XeLaTeX on 11 Feb 2021 from source files dated 10 Feb 2021

e5023a07-9831-5256-a315-1cae0f33043d